



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCXVI. ad annum MCCCCXXIII.

Parisiis, 1644

Sessio XXIII.

urn:nbn:de:hbz:466:1-15653

sancto per reuerendissimum patrem cardinalem Aquileiensem vulgariter nuncupatum. Acta fuerunt hæc anno, indictione, mense & loco quibus supra, &c.

ANNO
CHRISTI
1416.

SESSIO XXIII.

Iovis die quinta mensis Nouembris, anno a natiuitate Domini millesimo quadringentesimo decimosexto, indictione nona, fuit celebrata generalis sessio in maiori ecclesia Constantiæ, præsidente eidem sessioni reuerendissimo patre domino Ioanne episcopo Ostiensi, sanctæ Romanæ ecclesiæ cardinali & vicecancellario. Fuitque cantatum officium Missæ de Spiritu sancto per dominum Ioannem patriarcham Antiochenum. Quo expleto, legabantur litanix, & alia fiebant quæ in sessionibus fieri solent. Eisdem completis, reuerendissimus pater dominus Bartholomæus archiepiscopus Mediolanensis legit & publicauit ordinationem sanctæ Synodi sub tenore sequenti.

Commissio deputatorum data super informatione summaria facienda ad effectum citationis personalis, & per edictum contra Petrum de Luna.

Sacrosancta generalis Synodus Constantiensis in Spiritu sancto legitime congregata, in auctore pacis vno Deo nostro Iesu Christo, qui sibi sponsam vnam sanctam ecclesiam sui preciosi sanguinis precio comparauit, quæ in Christo Iesu summo angulari lapide creuit in templum sanctum in Domino, iunctisque simul parietibus fecit vtraque vnum, vt in pace fieret locus eius ad tollendum pacis obstacula, vniendamque scissuram fidelium, in qua ille* Christi aduersarius caput ecclesiæ malignantium, * pacis dolens satis & erubescens, hominem constantem ex lutea materia, caritatem in terra tenere, quam in celo nequiuerat habere, ipsius sponsæ Christi per schisma pestiferum, pro dolor, ingens, & tam diuturnis, vtpote triginta octo annorum, temporibus iam peractis, caritatem vulnerauit, rescidit vnitatem. Quæ licet in magna parte Spiritus sancti gratia in præsentis sacratissima generali Synodo ad hoc præcipue inter cetera congregata cooperante, coniuncta sit per eiectionem & renuntiationem domini Baltassaris olim Ioannis vigesimitertii, & renuntiationem Angeli de Corario, Gregorii duodecimi in sua obedi-

Epl. 2.

ANNO
CHRISTI
1416.

tia nuncupati, qui inter se cum domino Petro de Luna, Benedicto decimotertio in sua obedientia nuncupato, de papatu contendebant; quorum Ioannis & Gregorii Dei gratia in eadem sancta Synodo obedientia sunt unita: adhuc tamen hostis ille unitatis & pacis, in reliqua parte, videlicet in sua obedientia dicti domini Petri, Benedicti decimotertii nuncupati, seu eius parte, per eiusdem domini Petri duritiam, pertinaciam & contumaciam, in graue & maximum scandalum vniuersalis ecclesie & Christiani populi, atque periculum fidei catholice & ruinae fidelium animarum, scissam detinet, & lacrymabiliter vulneratam: idcirco eadem sancta Synodus inter cetera ad ipsum schisma & hæreses alias extirpandum, procurandamque ipsius ecclesie vnionem, præcipue congregata, considerans quod præmissis attentis, totum huius reliqui schismatis pondus in persona dicti domini Benedicti consistit, & quod in eo solo stat, quo minus ipsum schisma radicitus extirpetur, & per consequens resultet præfata vnio ecclesie sanctæ Dei: & attendens quod tam in diuturnis temporibus quibus hoc schisma pestiferum * pertractum est, omnium doctissimorum virorum Christi fidelium ingenia, etiam cum summis studiis & laboribus, attentis maxime difficultatibus eiusdem schismatis, nullam viam possibilem & securam sine fidelium scandalo ad præfatum schisma extirpandum reperire potuerunt, præter cessionem de papatu omnium contendentium: quam viam idem dominus Benedictus vocatus a suis, velut multorum Christi fidelium vox testatur, ante suam electionem a suis in papam, pro pace danda ecclesie laudauerat & approbauerat, atque in ipso conclauis quando fuit electus, promisit & iurauit profequi vnionem ecclesie per omnes vias accomodas, vsque ad cessionem de papatu inclusiue, si ipsum in papam eligi contingeret, vt cardinalibus qui tunc erant, vel eorum maiori parti expedire videretur, atque post suam electionem idem promisit & iurauit; dictaque conditio postmodum etiam purificata extitit: & deinde pro pace danda ecclesie promiserit & iurauerit papatui suo prætenso cedere, altero videlicet, Ioanne & Gregorio cum eo contendente, cedente, mortuo vel eiectione: quæ etiam conditio in ambobus, videlicet

* f. pro-
tractum

Ioanne & Gregorio prædictis, solenniter impleta est, vt præfertur. Attendens igitur quod idem dominus, dictus a suis Benedictus, iam viginti duobus annis completis, papatum secundum se tenuit, quibus temporibus multifarie multisque modis ex parte regum, principum, prælatorum & aliorum Christianorum, tam suæ, quam alterius obedientiæ, etiam post purificationem conditionum prædictarum, fuit cum magnis & iteratis instantiis seriose, solenniter, humiliter & deuote requisitus, quatenus pro tollendo huiusmodi schismate, & pro vnione ecclesiæ sanctæ Dei vellet suo prætenso papatu cedere, prout secundum omnium fidelium, seu maioris partis illorum iudicium tenebatur iure diuino pariter & humano, quod facere ipse semper animo pertinaci atque effrenato, superbiæ ac tumoris spiritu correptus, recusauit, & subterfugia quædam adhibens, ad excusandum excusationes in peccatis, ecclesiam ipsam in huiusmodi schismate, quod ipse tollere potuit, relinquens, nullam debitam curam aut diligentiam sufficientem & effectualement ad ipsum schisma tollendum, & ecclesiæ vnionem consequendam; sed ad vnum terrarum angulum in castro munitissimo Paniscolæ in litore maris, vbi ad eum non esset tutus accessus, se reclusit, vbi omni suo posse præfatum inueteratum schisma nutrit & fouet, & impedimenta quæcumque potest, præstat & procurat, ne ad dictam vnionem peruenire possit: quæ omnia secundum sanctorum decreta hæresim inferunt manifestam. Eapropter super præmissis & aliis declarandis in processu, & latius exprimendis, volens eadem sancta Synodus euacuare quod ex parte est, vt sequatur perfectum, & ad ipsum schisma penitus submo- uendum procedere, licet præmissa omnia, notoria & vera communiter habeantur & reputentur, & super illis tota fidelium clamet multitudo, sibi ipsi fatagens prouidere, quasi pro quodam huiusmodi prouisionis remedii fundamento, committit deuotissimis ecclesiæ filiis Guillermo tituli sancti Marci, & Francisco tituli sanctorum Cosmæ & Damiani, dicto Florentino, sanctæ Romanæ ecclesiæ cardinalibus, Ioanni electo patriarchæ Constantinopolitano, ac venerabilibus fratribus Stephano Dolensi, Roberto Saresbirienfi, episcopis, ac dilectis ecclesiæ filiis Ia-

ANNO
CHRISTI
1416.

cobo electo Parmensi, Guillermo Pulcri nepotis, fratri Antonio Taxal generali ordinis beatae Mariae de mercede, fratri Mauricio de Praga, sacrae paginae professoribus, Michaeli de Nauers, Nicolao Vuordis iuris vtriusque, & Ioanni Belles decretorum, doctoribus, & eorum maiori parti, quatenus super praemissis omnibus & singulis, ac eorum circumstantiis, dependentibus & connexis, ac aliis ad ea quomodolibet facientibus, illorumque notorietate, fama & clamore, ac etiam quae loca insignia consistant viciniora dicto castro Paniscolae, ad quae sit tutus accessus, summarie & diligenter inquirant, testes & alia probationum genera recipiant & examinent, eorumque dicta & attestations, & alia quaecumque inuenerint, in scriptis & forma publica redigant, seu redigi faciant, & ea etiam sacrae Synodo repraesentent & fideliter referant, ut exinde ipsa Synodus procedat, decernat & statuat, prout ad pacem & salutem ecclesiae & fidelium, extirpationem schismatis & unionem ipsius ecclesiae secundum iustitiam videbitur expedire. Datque eisdem commissariis & maiori ipsorum parti, testes per censuram ecclesiasticam compellendi veritati testimonium perhibere, & alios quoscumque praestantes ad praedicta impedimenta coercendi, & alia faciendi circa praemissa necessaria & etiam opportuna, plenam & liberam potestatem. Lecta autem dicta ordinatione, dictus patriarcha Antiochenus pro omnibus dictae Synodi nationibus, & de ipsarum consensu respondit per verbum, Placet. Et praefatus dominus Ostiensis nomine collegii cardinalium similiter respondit: Placet.

SESSIO XXIV.

Pro citatione decernenda contra Petrum de Luna.

DIE Sabbati vigesima octava dicti mensis Nouembris fuit sessio generalis per Synodum Constantiensem mane hora Tertiarum in ecclesia maiori praedicta Constantiensi solenniter celebrata, in qua reuerendissimus pater dominus patriarcha Antiochenus officium Missae celebrauit. Quo finito, more aliarum sessionum legebantur litaniae. Praesidebat autem eidem sessioni dominus Ioannes episcopus Ostiensis. Reuerendissimus autem pa-